

syiar Allah sesungguhnya ianya adalah terbit dari hati-hati yang bertaqwa.

Penjelasan dari ayat ini juga memberitahu kepada kita bahawa mengikut kaedah 'Fahmul Mukhalafah' iaitu makna sebalik dari pengertian ayat diatas bahawa mereka-mereka yang tidak mengagungkannya adalah kerana ketandusan hati dari taqwa. Dan ciri-ciri orang yang bertaqwa mereka-mereka yang menyambut hari kelahiran Nabi Pembimbing Manusia kejalan ketaqwaan.

Allah bukan sahaja menyuruh kita agar mengagungkan hari-hari atau tempat-tempat yang menjadi syiar Islam sahaja malah Allah menyuruh kita agar bergembira dengan rahmat dan kurniaannya. Dalam hal menyambut kelahiran Nabi termasuk hal-hal yang mengembirakan orang-orang Islam kerana dengan wujudnya Nabi adalah rahmat Allah yang terbesar sebagaimana firman yang termashur dalam surah Al-Anbiya ayat 107 : Tidak kami utusmu (wahai Muhamad) melainkan sebagai rahmat sekalian alam. Firman Allah yang membawa makna agar kita bergembira dengan rahmatnya , dalam surah Yunus ayat 58 :

قَالَ يُفَضِّلُ اللَّهُ وَبِرَّحْمَتِهِ قَبْدِكَ قَاتِبِرْحَوْا

Katakanlah(wahai Muhamad), hendaklah mereka bergembira dengan kelebihan dan rahmat yang dikurniakan oleh Allah kepada mu.

Mereka-mereka yang tidak gembira dengan rahmat Allah yang besar ini (kelahiran Nabi) dalam rangka bersyukur kepada ni'matNya adalah lebih hina disisi Allah dari Abu Lahab kerana beliau sendiri bergembira pada malam kelahiran Nabi hingga sanggup memerdekakan seorang hambanya.

Untuk membuktikan demikian, telah berkata Al-Hafiz Syamsuddin Muhamad Nasiruddin Ad-Dimisyqi dalam syairnya:

Kalaulah si kafir ini yang sudah tentu dicela di dalam Al-Quran di neraka Jahim

Tersebut pada setiap Isnin senantiasa dianugerahi keringanan siksa kerana gembiranya tentang kelahiran Nabi

إِنَّا كُنَّا هَذَا كَثْرًا جَاءَ نَمُّهُ الْإِسْمَاءُ فِي الْجَهَنَّمَ مَخْتَلًا
أَنَّ لَهُ فِي يَوْمِ الْإِسْتِثْنَانِ دَالِمًا # يَخْلِفُ عَنْهُ السَّرُورُ بِأَحْسَنًا
فَمَا لَطْفٌ بِالْعَبْدِ الَّذِي كَانَ عَصْرَهُ الْإِسْمَاءُ مَسْرُورًا وَمَاتَ مَوْحَدًا

Apatah lagi seorang hamba yang sepanjang hayatnya bergembira

Menyambut Maulid junjungannya dan mati dalam keadaan mengesakan Tuhannya.

Kisah ini diriwayatkan dalam Sohih Bukhari , bab nikah dan dinukil oleh Ibnu Hajar dalam kitabnya Al-Fath . Juga diriwayatkan oleh Imam Abdur Razak As-San'ani dalam kitabnya Al-Musannif (jilid 7 m/s 478), Al-Hafiz dalam kitabnya Ad-Dala'il, Ibnu Kathir dalam kitabnya Al-Bidayah bab As-Sirah An-Nabawiyah (jilid 1 m/s 224). Ibnu Dibai dalam kitabnya Hada iql Anwar (jilid 1 m/s 134), Imam Hafiz Al-Baghawi dalam kitabnya Syarah As-Sunnah (jilid 9 m/s 76), Ibnu Hisyam dan As-Suhaili dalam kitab Ar-Raudhul Unuf (jilid 5 m/s 192), Al-Amiri dalam kitabnya Bahjatul Mahaafil (jilid 1 m/s 41).

KISAH MAULID NABI ADALAH PENGUAT JIWA UMATNYA

Kesemua sempena dan kisah-kisah sejarah para Nabi yang telah diceritakan Allah dalam Al-Quran itu menguatkan perjalanan da'wah Nabi s.a.w dan jiwanya, firman Allah dalam surah Hud ayat 120:

وَكَلَّا نَقْصُ عَلَيْكَ مِنْ أَنْبَاءِ الرُّسُلِ مَا نَقَّبْتُ بِهِ لِأَنَّكَ

Dan tiap-tiap perkhabaran yang Kami (Allah) khabarkan kepadamu (Wahai Muhammad) dari cerita Rasul-rasul itu adalah sebagai penutup hatimu.

Para Ulama' telah memberikan penjelasan dari ayat diatas bahawa jika cerita-cerita para Nabi itu yang telah diceritakan Allah dalam Al-Quran itu, adalah sebagai penguat atau penutup hati atau jiwanya maka sudah tentu kisah-kisah dalam hidup Penghulu segala Rasul itu (Muhammad saw) dari sudut kelahiran, perjuangan dan akhlak baginda (sebagaimana yang tersebut dalam